

Матфеин 2 бөлг.

1. Иисус иудеин Вифлеемд төрв, Ирод тер цагт Вифлеемд хан билэ, дорд үзгэс цецн эмтн Иерусалимд ирэд сурцхав:
2. «Төрсн Иудеин хан альд? Мадн Терүнэ одынь дорд үзгт үзлэвидн, тегэд Терүнд сөгдж мөргхэр ирүвидн.»
3. Тиим зэңг соңсчкад, хан Ирод болн цуг Иерусалим үүмлдцхэв.
4. Цуг Бурхна эрүн ах улсиг болн бурхна дегтр бичдг улсиг цуглулад, эн теднэс сурв: «Альд Христос төрхмб?»
5. Эдн терүнд келцхэв: «Иудеин Вифлеемд, ээлдэчэр иигж бичэтэ:
6. «Чи, Вифлием, Иудеин һазр, залачнрар баһ бишич, яһад гихлэ чини Израилин улсас Залач төрх, Тер Израилиг-мини улсиг үклэс аврах.»
7. Тиигхлэ Ирод нууцар цецн эмт цуглулад, теднэс одн һархин цагинь сурад медчкв.
- 8.Эн Вифлиемүр тедниг йовулад келв: «Йовтн, Нилх Көвүнэ тускар сурж медтн, олж авсна хөөн нанд зэңглтн, би одад сөгдж мендлхэр бээнэв».
9. Цецн улс хаана үг соңсчкад йовцхав. Нарн һарх үзгэс одн теднэ өмн йовла. Сүүлднь одн Нилх Көвүн һарсн һазрин деер зогсв.
10. Од үзчкэд, тедн икэр байрлцхав.
11. Эдн герт орад, Нилх Көвүг Мария эктәһинь үзцхэв. Нилхд сөгдж мөргэд, авч ирсн белгән: алт, саңгин идэ, каңкнсн үнртэ тос Терүнд өгв.
12. Иродур орлго, эдн эврәннь нутгур талдан хаалһар йовцхав. Юңгад гихлэ теднэ зүүднднь Ирод тал бичэ одтн гиж саглснь медж.
13. Тедн йовж одхла, Иосифин зүүднд Бурхна элч ирэд келв: «Бос, Нилх Көвүһән эктәһинь авад, Египтүр гү. Нанас зэңг иртл, тенд бээтн. Юңгад гихлэ

Ирод Нилх Көвүг олж анад алхар бөөнө.»

14. Иосиф сө босад, Нилх Көвүг эктәһинь анад Египтүр йовв.

15. Иродин үкл иртл, эдн тенд үлдв. Тиигж Бурхна келсәр болв: «Египтәс Эврәннь Көвүһән дуудув.»

16. Ирод цецн улс энүг меклчксинь медәд йир икәр уурлв. Вифлеемд болн өөрнь бөөсн селәдәр хойр жилтә болн нилх көвүдиг – алх заквр һарһв.

17. Тиигхд әәлдәч Иеремиа келсәр чик болж һарв: «Тиигхд Раамд оркрсн уульллһн соңсгдла.

18 Күүкд уга үлдсн Рахиль бийән әәтрүлжәхш.»

19. Ирод хаана үклин хөөн Бурхна элч Египтд бөөсн Иосифин зүүднднь орж келв:

20. « Бос! Нилхән эктәһинь анад Израилин һазрур йов. Юңгад гихлә Нилх Көвүнә әминь хөөсн әмтн өңгрж оч.»

21. Эн босад, Көвүг эктәһинь анад Израилин һазрт одв.

22. Иродин көвүн Архелай Иудейд хан болжасинь Иосиф соңссад, тер зәнгәс әәһәд, болв зүүдндән Бурхнас зөвшәл анад, Галилеин һазрур эн йовв.

23. Ирхләрн, Назарет һазрт бөөв. Юңгад гихлә әәлдәч келсн үг күцхин төлә, Иисус Назаретянина нер зүүх зөвтә бөөсмн.